



O Maria, nosta oma



Idiom: Gherdëina

Inom original: O Maria Gnadenvolle

Paroles: Catarina Mussner

O Maria nosta oma,
lum y stëila de cunfort,
nosta forza y speranza,
tan tla vita che tla mort.

Cëla oma sun ti mutons,
tlo jenudlei duc dan ti piesc,
jud-i oma, jud-i oma,
jud-i a jì a paravis.

Juda oma a chëi che prëia,
chi che ie sëui y tralascei,
juda ai jëuni, juda ai vedli,
juda ai sani y ai amalei.

Cëla oma sun ti mutons,
tlo jenudlei duc dan ti piesc,
jud-i oma, jud-i oma,
jud-i a jì a paravis.

Sta pra nëus daniëura oma,
tla legrëza y tl dulëur,
y te l'ultima nost' ëura,
prejentei'nes al Seniëur.

Cëla oma, sun ti mutons,
tlo jenudlei duc dan ti piesc,
jud-i oma, jud-i oma,
jud-i a jì a paravis.